



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

Name of School : MARYKNOLL CONVENT SCHOOL (SECONDARY SECTION)
学校名称 : 玛利诺修院学校 (中学部)
Name of Play 剧名 : 留下，只有思念？
Script writer 剧作者 : 陈思言、廖逸然 (学生)

Synopsis 故事大纲：

浩瀚宇宙里，我们相遇又告别。

人生的各种别离，引导着我们奔向属于自己的终点；

三人为了梦想，踏上了寻找终点的旅途；

『今天的离别，必定会有明天的重聚吗？』

『今天的诺言，明天还会兑现嘛？』

我们对分离感到彷徨、担忧。

人改变不了天地一色，更莫说逆转命运。

那么，留下的，只能是思念吗？



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

序

[士多]

[楚翘，乐希，津桐 enter]

乐希： 饮杯！咁就中五啦，时间真系过得好快～

津桐： 「读书不觉已春深，一寸光阴一寸金」——系呢一瞬间我明白到王贞白先生慨意思。

楚翘： （颓）过多两年就要出嚟做嘢…谗起都兴奋啊…

乐希： 讲呢啲…话时话，我哋都就嚟毕业，你哋第日想做啲咩啊？

津桐： 我要做无国界医生，去世界慨各个地方，帮啲好需要帮助慨人。

楚翘： 无国界医生？系可以帮到好多人，但系—你唔怕辛苦咩…

津桐： 正所谓「施比受更为有福」，帮人最重要！小小帮忙，已经可以影响到个世界好多！

乐希： 呜呜津桐不愧系我哋「见人就帮，有难同当」慨好姊妹！喺我睇好你㗎！

津桐： 咁你慨梦想呢？

乐希： 我呢…就一条咸鱼嚟慨，冇乜梦想～只系想安安稳稳咁继承阿爸慨生意，开开心心咁过生活，最好就——嫁个有钱人啦哈哈！楚翘，你呢？

楚翘： 我…都唔知啊。

津桐： 你唔系钟情于音乐咩？

乐希： 系嘍，你成日都话要做音乐家…

楚翘： 我系钟意…但系我阿爸阿妈唔俾我做音乐，（苦笑）佢哋话做音乐冇用，搵唔到食…

乐希： 最紧要都系自己钟意！津桐成日话（扮津桐）「人生苦短，及时行乐」，唔好令自己后悔啊！

津桐： 所言甚是！你要用行动证明比你父母睇，做音乐都可以出人头地！

楚翘： 但系——

乐希： 咪但系喇，一于出年考 dse 之前，喺学校嗰「全玛造星」度表演原创歌，俾你阿爸阿妈见识你慨实力！

楚翘： 「全玛造星」？咪玩啦，我惊我连初赛都入唔到…

津桐： 俾啲信心！

楚翘： 上去对住全校嗰，我一紧张就咩都唱唔到。

乐希： 到时你上到台，望住我哋唱咪一样！喺讲好啦，到时你唔上就——请我哋饮茶！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

楚翘： 咁如果我上咗，系咪你哋请我饮茶先！

津桐、乐希： 一于咁话！

（三人笑）

(灯暗)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

第一场

(课室)

(ST 01 - 钟声)

(楚翘, 乐希, 津桐, 老师, 颖欣, Lily, 同学 1、2 入)

老师: 等一阵!

同学 1: 吓, 又嚟? 唔好啦...

同学 2: 好烦啊!

老师: 返去写今次小测慨反思, 400 字, 印埋出嚟下堂俾我。

楚翘: 其实做呢份嘢有意思咩...

乐希: 唔知啊我上次嗰份都有交, 嘿唔使交啦!

津桐: Miss Chan 不如你俾练习我哋做? 对我哋慨学习更加有帮助——

老师: (咳) 第一, 我叫 Miss Chan Chan! 第二, 唔交慨扣平时分十分! 讲完, goodbye class!

所有学生: Good-bye and thank you Miss Chan Chan... (拖长)

(老师, 颖欣, Lily, 同学 1、2 出)

楚翘: (执书包) 唉, 又要迟到...

津桐: 你要去边啊?

楚翘: 我要去搵张 sir 倾我份卷啊! 士多等, 我好快到! (跑走)

(楚翘 出)

乐希: 喂! 我要睇牙医啫!

津桐: (低头写 notes) 我阵间要去补习, 所以我可能 (抬头) ...诶走得咁快慨...

乐希: (沉默片刻、认真) 咁点啊? 我仲谗住——

津桐: (cut) 照去啦! 佢应该好快过嚟...

乐希: 哦...

津桐: 你做咩咁苦恼慨?

乐希: (惊) 冇~行啦...本宫饿啦!

(灯暗)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下剧本只作参考用途，如欲采用或改编，须先取得作者同意。

(士多)

(乐希，津桐 入)

(乐希、津桐进食中)

(楚翘 入)

楚翘： (喘气) Hi~

乐希： 坐啊坐啊！爱心烧卖，你慨！

楚翘： muah! (笑) 啱啱拗返两分，合格！

乐希： muah 叻女！

楚翘： (咬紧) 啲烧卖真系超好食，我哋听日啊唔系一每日放学都要嚟食！

(沉默)

乐希： 呃，其实我有啲嘢要同你哋讲…听完唔好喊喎…

楚翘： (食紧烧卖) 做一做咩啊——

(津桐楚翘对望)

乐希： 我要移民喇…

(静)

乐希： 喂…俾啲反应好啲。

楚翘： 真系咩？唔好玩我哋啦… (望着津桐；津桐尴尬笑了一下，望开)

乐希： 今次真系唔系整蛊，都唔好笑…

津桐： 你要去边啊？

乐希： 我阿爸喺美国开咗间分公司，佢想我早啲过去一路读书一路实习，迟啲继承佢慨生意。

(楚翘反应紧；津桐欲言又止)

楚翘： 咁我哋咪好耐都见唔到…

乐希： 唔洗唔开心慨，我放假一定会返嚟搵你哋㗎！

(沉默)

乐希： 你哋唔好咁啦…

楚翘： (见津桐低头) 津桐唔好咁唔开心啦，你仲有我啊嘛，我哋多啲一齐打俾乐希啦！

津桐： 其实，我都要走喇…